

## **Tswana - Fodisa Dikwalo - Healing Scriptures**

**Ekesodu 15:26 a re:** “Fa ò utlwa lentswe la Morena Modimo wa gago ka boikanyo, o dira tse di siameng mo matlhong a gagwe, o sekegela ditaolo tsa gagwe tsebe, o tshegetsa melao yotlhe ya gagwe, ga nkitla ke go bolaisa bolwetse bope jo ke watlhaileng Baegepeto ka jona. Gonne nna Morena ke tla nna ngaka ya gago.”

**Doiteronomio 7:15** Morena o tla tlosa bolwetse bongwe le bongwe mo go wena. Ga a kitla a go bolaya ka malwetse ape a Egepeto a a botlhoko a o a itseng, mme o tla a bolaisa botlhe ba ba go tlhoileng.

**DipeSalome 107:20** a romela lefoko la gagwe, a ba fodisa, a pholosa maphelelo a bona mo mabitleng:

**DipeSalome 146:8** Morena o foufolola difofu; Morena o tsosa ba ba obegileng; Morena o rata basiami.

**Jesaya 35:5** Foo matlho a difofu a tla foufologa, ditsebe tsa disusu di tla kabologa.

**Jesaya 53:5** Mme ene o pholeditswe ka ntlha ya maleo a rona, a teketelwa melato ya rona. Petso ya mo wela gore rona re bone kagiso. Mme re fodisitswe ka dintho tsa gagwe.

**Jesaya 58:8** “Foo lesedi la gagwe le tla tlhatloga jaaka mahube, go fola ga gagwe go tla tswelela pele ka bonako. Tshiamo ya gagwe e tla go etelela pele, kgalalelo ya Morena e go sala morago.

**Jeremia 30:17** Gonne ke tla go fodisa, ke alafa dintho tsa gagwe,’ go bua Morena. ‘E re ka ba go bitsa “Yo o lelekilweng” le “Sione yo o sa batlweng ke ope.” ’ ’

**Jeremia 33:6** Bonang, ke tla busetsa motse kalafo le phôlô; ke tla ba fodisa, ke ba bulela letlotlo la kagiso le boammaaruri.

**Maleagi 4:2** “Mme Iona ba lo boifang leina la me, letsatsi la tshiamo le tla lo tlhabela, le na le kalafo mo diphukeng tsa lone, mme lo tla bolola, lo tlolaka jaaka dinamane tse di tswang mo sakeng.

**Matheo 4:23,24** Jaanong Jesu a tsamaya le Galelea yotlhe, a ntse a ruta mo disenagogeng tsa bone a rera Efangele ya puso, a fodisa malwetse otlhe le makoa otlhe mo bathong. 24 Tumo ya gagwe ya tswela kwa Siria yotlhe. Batho ba isa go ene botlhe ba ba Iwalang, ba ba tshwerweng ke malwetse a mefutafuta le matlhoko, le ba ba tsenyweng ke medemone, le ba ba karalalang, le ba ba suleng mefama, a ba fodisa.

**Matheo 8:16,17** Ya re go le maitsiboa, ba tsisa go ene ba le bantsi ba ba

**tsenyweng ke medemone; a kgarameletsa mewa kwa ntle ka lefoko, a fodisa botlhe ba ba Iwalang, 17 gore go dirafale se se builweng ke Jesaya moporofeti a re: "Ene o ithwesitse makoa a rona, a rwala malwetse a rona."**

**Matheo 9:35 Jaanong Jesu a tlhatlologanya metse le metsana yotlhe, a ntse a ruta mo disenagogeng tsa bone, a rera Efangele ya puso, a fodisa malwetse otlhe le makoa otlhe.**

**Matheo 10:1 Jaanong a ipiletsa barutwa ba A gagwe ba ba 12, a ba naya thata mo meweng e e itshekologileng go e kgarameletsa ntle, le go fodisa malwetse le makoa otlhe. (Mareko 3:14,15)**

**Matheo 10:8 Fodisang balwetse, tsosang baswi, phepfatsang balepero, kgarameletsang medemone ntle. Lo amogetse fela, nayang fela!**

**Matheo 11:5 Difofu di a bona, batlhotsi ba a tsamaya, balepero ba a phepfadiwa, disusu di a utlwa, baswi ba a tsosiwa, bahumanegi ba rerelwa Efangele.**

**Matheo 12:15 Ya re Jesu a lemoga, a tloga teng; mme ba bantsi ba mo sala morago, a ba fodisa botlhe.**

**Matheo 15:30 Foo ga tla go ene masomo a magolo a batho, ba na le batlhotsi le digole le difofu le dimumu le balwetse ba bangwe ba le bantsi, ba ba baya fa dinaong tsa gagwe, mme a ba fodisa,**

**Matheo 17:20 A ba raya a re: "Ke ka gore lo tlhoka tumelo; gonne ammaaruri ke lo raya ke re: Fa lo na le tumelo, le fa e le e e kana ka tlhaka ya peo ya mmasetete fela, lo ka raya thaba e lo a re: 'Tloga fa, o ye fale!' mme e tla ya, go se na sepe se se ka lo palelang.**

**Mareko 1:34 A fodisa ba bantsi ba ba Iwalang malwetse a mefutafuta, a kgarameletsa medemone e mentsi ntle; mme a se ka a letlelela medemone go bua; gonne e ne e mo itse.**

**Mareko 3:10 gonne o ne a fodisa ba bantsi, mo ba bileng ba mo kgotlhaganelo botlhe ba ba nang le mathoko gore ba mo ame.**

**Mareko 6:5,6 Mme a palelwa ke go dira tiro ya kgakgamatso teng, fa e se go baya balwetse ba se kae diatla le go ba fodisa. 6 A gakgamaela go sa dumeleng ga bone. Jaanong a ralala metsana e e mo tikologong, a ntse a ruta.**

**Mareko 6:13 Ba kgarameletsa medemone e mentsi ntle, ba tshasa balwetse ba bantsi lookwane, ba ba fodisa.**

**Mareko 6:55,56 ba taboga le lefatshe leo lotlhe, ba simolola go rwalela balwetse ka malao kwa ba mo utlwelang teng. 56 Le gongwe le gongwe kwa a tsenang teng, mo metsaneng gongwe mo metseng gongwe mo merakeng, ba baya balwetse mo patlelong, ba mo rapela gore ba ke ba**

**ame le fa e ka bo e le kola ya seaparo sa gagwe fela, mme botlhe ba ba mo amileng ba fola.**

**Mareko 8:23-25 A tshwara sefolu seatleng, a se gogela kwa ntle ga motsana, a se kgwela mathe mo matlhong, a se baya diatla, a se botsa a re: "A o bona sengwe?" 24 Sa lelala sa re: "Ke bona batho; mme ke ba bona ba tsamaya, e kete ke ditlhare." 25 A boa a se baya diatla gape mo matlhong, sa ba sa leba thata, sa fodisiwa, sa bonela tsotlhé sentle kwa kgakala.**

**Mareko 9:29 A ba raya a re: "Mofuta o ga o ka ke wa tswa ka sepe, fa e se ka thapelo le ka go itima dijo."**

**Mareko 16:17,18 Ditshupo tse di tla supelang ba ba dumelang ke tse: Ba tla kgarameletsa medemone ntle ka leina la me; ba tla bua ka diteme tse dintshwa. 18 Ba tla tsholetsa dinoga; mme le fa ba ka nwa se se bolayang, ga se nke se ba dira sepe. Ba tla baya balwetse diatla, mme ba tla fola."**

**Luka 4:18 "Mowa wa Morena o mo go nna, ka gonne o ntloeditse go rerela bahumanegi Efangele; a ba a nthoma go fodisa ba ba pelo di phatlogileng, go bolelela batshwarwi kgololo, le difofu go baa di bona, le ba ba ketekilweng go ba naya tsela ba golotswe,**

**Luka 4:40 Ya re letsatsi le phirima, botlhe ba ba nang le ba ba Iwalang malwetse a mefutafuta ba ba tsisa kwa go ene; a baya mongwe le mongwe wa bone diatla, a ba fodisa.**

**Luka 5:15 Fela tumo ya gagwe ya faladiwa bogolo; batho ba bantsi ba phuthega go utlwa le go fodisiwa malwetse a bone.**

**Luka 5:17-25 Ka lengwe la malatsi ao a bo a ruta. Bafarisai le Baruta-molao ba bo ba ntse fa fatshe, e le ba ba tswang mo motseng mongwe le mongwe wa Galelea le Jutea le kwa Jerusalema; thata ya Morena ya go fodisa e ne e na nae. 18 Mme bonang, banna bangwe ba tsisa motho ka diphate yo o suleng mhama, ba leka go mo tsenya mo teng le go mmaya fa pele ga gagwe. 19 Ya re ka ba sa bone ka fa ba ka mo tsenyang mo ntlong ka teng ka ntlha ya bontsi jwa batho, ba palama kwa godimo ga thulelo, ba mo folosa gare ga ditlhomeso, a le mo diphateng, ba mmaya mo gare, fa pele ga Jesu. 20 Ya re a bona tumelo ya bone, a mo raya a re: "Monna, dibe tsa gago o di itshwaretswe." 21 Jaanong Baitse-dikwalo le Bafarisai ba simolola go akanya ba re: "Ke mang yo, yo o buang dikgalo? Ke mang yo o ka itshwarelang dibe, fa e se Modimo fela?" 22 Ya re Jesu a lemoga dikakanyo tsa bone, a ba fetola a re: "Lo akanyang mo dipelong tsa lona? 23 Mo go botlhofo ke gofe, a ke go re: 'Dibe tsa gago o di itshwaretswe' 24 Mme ke tla**

**dira gore lo lemoge, fa Morwa-Motho a na le thata mo lefatsheng ya go itshwarela dibe!" Ke fa a raya yo o suleng mhama a re: "Ke go raya ke re: Tsoga o tsee diphate tsa gago, o ye kwa ntlong ya gago!" 25 Yoo a tsoga ka bonako fa pele ga bone, a tsaya se o neng a letse mo go sona, a ya kwa ntlong ya gagwe, a ntse a galaletsa Modimo.**

**Luka 6:17-19 Ya re a sena go fologa nabo, a ema mo felong gongwe, fa go leng lobala, a na le bontsi jo bogolo jwa barutwa ba gagwe, le lesomo le legolo la ba ba tswang mo Jutea yotlhe le Jerusalema le kwa Tiro le Sitone fa lewatleng, 18 ba ba tsileng go mo utlwa le go fodisiwa malwetse a bone; le ba ba tshwenngwang ke mewa e e itshekologileng ba fodisiwa. 19 Bontsi jotlhe jwa senka go mo ama; ka gonne thata e ne e tswa mo go ene, a ba fodisa bottlhe.**

**Luka 7:21,22 Mo nakong eo a bo a fodisa ba le bantsi malwetse le matlhoko le mewa e e bosula, a naya difofu di le dintsi go bona. 22 Mme a ba araba a re: "Tsamayang, lo bolelele Johane tse lo di bonyeng le tse lo di utlwileng: Difofu di a bona, digole di a tsamaya, balepero ba a phepafadiwa, disusu di a utlwa, baswi ba a tsosiwa, bahumanegi ba rerelwa Efangele.**

**Luka 8:2 le basadi bangwe ba ba neng ba fodisitswe mewa e e bosula le malwetse, e bong Maria yo o bidiwang Magtalena, yo go duleng medemone e e supang mo go ene,**

**Luka 9:2 A ba roma go rera puso ya Modimo, le go fodisa ba ba Iwalang.**

**Luka 9:11 Jaanong baapostolo ba boa, ba mmolelela tsotlhe tse ba di dirileng. A ba tsaya, a ya nabo kwa thoko kwa motseng o o bidiwang Betsaita.**

**Luka 13:12 Ya re Jesu a mmona, a mmitsa, a mo raya a re: "Mosadi, o golotswe mo bolwetseng jwa gago."**

**Luka 13:32 A ba raya a re: "Yaang lo ree phokojwe eo lo re: 'Bona, ke kgarameletsa medemone ntle, ke dira diphodiso kajeno le kamoso, mme ka moso o mongwe ke tla wetsa.'**

**Johane 5:8,14 Jesu a mo raya a re: "Tsoga o tsee bolao jwa gago, o tsamae!" 14 Morago ga moo Jesu a mmona mo Tempeleng, a mo raya a re: "Bona, o fodile; o se tlhole o leofa, gore se se bosula bogolo se se go dirafalele."**

**Johane 14:12 Ammaaruri, ammaaruri ke lo raya ke re: Yo o dumelang mo go nna, le ene o tla dira ditiro tse ke di dirang, e bile o tla dira tse dikgolo bogolo go tse; gonne ke ya kwa go Rara.**

**Ditiro 3:6 Mme Petoro a mo raya a re: "Selefera le gouta ga ke na natso; mme se ke nang naso ke a se go naya: Mo leineng la ga Jesu Keresete**

**wa Nasaretha, nanoga o tsamae!"**

**Ditiro 5:15,16 mo ba bileng ba ntshetsa balwetse mo mebileng, ba ba baya  
mo diphateng le mo malaong gore e re Petoro a tla, le fa e ka bo e le  
moriti wa gagwe fela, o ritifalele mongwe wa bone. 16 Le gona ga  
phuthega bontsi jo bo tswang mo metseng e e mo tikologong ya  
Jerusalema, ba tsisa balwetse le ba ba tshwenngwang ke mewa e e  
itshekologileng, mme ba fodisiwa botlhe.**

**Ditiro 10:38 e bong sa ga Jesu wa Nasaretha, jaaka Modimo o mo tloditse  
ka Mowa o o Boitshepo le ka nonofo; yo o ne a dikologa a dira molemo, a  
fodisa botlhe ba ba gatelelwang ke Diabolo; gonnie Modimo o ne o na  
nae.**

**Ditiro 19:11,12 Modimo wa dira ditiro tsa nonofo tse di gakgamatsang ka  
diatla tsa ga Paulo. 12 mo e bileng masela a a amileng letlalo la gagwe  
gongwe dikhiba di neng tsa bewa mo balwetseng, mme malwetse a  
tloga mo go bone, le mewa e e bosula ya tswa.**

**BaRoma 8:26 Mme Mowa le ona o thusa bokoa jwa rona jalo; gonnie ga re  
itse se re ka se kopang ka tshwanelo; Mowa ka osi o re emela ka  
diphegelo tse di sa kgonweng go bolelwa.**

**1 BaKorinthe 12:9 yo mongwe o newa tumelo ka ona Mowa oo, yo mongwe  
dineo tsa go fodisa ka ona Mowa oo;**

**1 BaKorinthe 12:28 La ntlha Modimo o beile bangwe mo phuthegong go nna  
baapostolo, la bobedi ba bangwe go nna baporofeti, la boraro ba bangwe  
go nna baruti, morago ga moo badiri ba dikgakgamatso, le ba dineo tsa  
go fodisa, le bathusi le bagogi le ba dipuo tsa mefutafuta.**

**BaFilipi 2:27 O ne a Iwala tota, e bile a le gaufi le go swa. Mme Modimo o  
mo utlwetse botlhoko, mme e seng ene fela, le nna o nkutlwetse  
botlhoko gore mahutsana a me a se ka a tla a tlhomaganye.**

**Jakobo 5:14 A mongwe wa Iona o a Iwala? A a bitse bagolo ba phuthego, ba  
mo rapelele, ba mo tlotsse lookwane ka leina la Morena.**

**1 Petoro 2:24 O ne a belegela maleo a rona ka boene ka mmele wa gagwe  
kwa sefapaanong, gore rona re nne ba ba suleng ntlheng ya boleo, mme  
re tshelele tshiamo; lo fodisitswe ka dintho tsa gagwe.**

**3 Johane 1:2 Moratwa, ke eletsa gore o tshele sentle mo dilong tsotlhe, o  
nne yo o itekanetseng mo mmeleng jaaka mowa wa gago o phela pila.**